

CI PU LEMU NVXAMKAY ÑI MOGEN

Mari mari, calintvkuwan:Tepv pigen narfvleci lemuntu mew mvlen Chiloe mew.

We anvulkan gen, petu xemkvlen, petu xongelalay tañi tapvl fvxake tepv reke, nielu fvxake cagkiñ mamvl mawelkvlelu ka, nvlkuw nvlkvwlen amuley famgechi kiñe kimfawgenoci lemu ley, jfoxu,foxu kimfuyilmi may!

Fvca kuyfi rvpay fawpvle kiñe hanpvkafe pigen, Charles Darwin pigerkefuy, wirintukukefuy fillke mogen lifru mew ka afmalewey cucilefiel ci tepv lemuntu. Kiñe fvxa pepikonvngenoci lemuntu gey gvnki gvnkilen ci pu koyam pi, kiñe gefel mvten ñi az kom mapu mew.

Gvmanyefal zugu gefuy, feyci kuyfike lemuntu mvte gewelay fawpvle. Kiñen antv mew kom takunierkefuy ci wapi welu tañi pu wvnel kom kake lemu mvlelu Chile mew reke femi. Ci pu ce kimlu ñi pepi kvme eluwal taiñ mamvj mew, kuxanzuamlaiñmew. Palma chilena ñi femvn reke ka femigvn, ka ci pu lawal, kam ci pu pewen: kimmamfigvn ñi zoy zumiñ kadil ci pu Homo sapiens.

Inciñ mew, ta zoy xongeley taiñ mamvj ka, lvpomgeyem, fenxen eñummvkey, feymew kavgekeiñ eñumal ñi ruka egvn. Palmas mew, ñi kozay mew femgekey; ci pu lawal ka ci pu pewen, ajmaltunmagekey ñi mamvl zewmayal ñi ruka ka fijke weshakelu. Ka femgeci mvlerkefuy kiñeke antv lvpomkagelu fenxen welu rume fenxen lemuntu, pu ce ñi zuamlu kexayafiel ci mapu tukukayal ñi mogenketew ci anvulkan.

Kiñeke lemuntu petu ijkutuniefi ci pu ce. Ci pu lawal reke, ñamurkeafuy entunofule ci pu ce kiñe norumkawe zugu cew elgelay ñi kaxukageal mogeleci koyam, feyta re laleci lawal mamvj mvten pepi kvzawkefigvn.

Picilewetuy ci pu lawal lemuntu, mogelerpvel región de Los Lagos ka de Los Rios mew. Feymew kuñiwugekey. ¡MAY kiñe inanley zoy fvcaleci koyam mew, fey may mogelerpvkey waranka ka waranka xipantv. Chile mew, mvley kiñe lawal nielu kvla waranka kayu pataka ñi mogelel. ¿rakizuamtukufuymvn cunten zugu pey fecyci koyam tvfa ci mapu mew zoy kvla waranka mew ka cem ñi nvxamkayafiel?

Tamvn tukuzuamal: tañi fexe fvcagenmew, ñi iwvl cagkiñ mamvj mew pepi kimmvngeafuy cuntetu kalewi ci antv waranka ka waranka xipantu mew. Kiñe iwul wajrupalewekey taiñ cangkoyam mew kiñe xipantu mew taiñ mogelel ka cuntetu taiñ xemken tuwkvley ñi cumlefel ci mogen xipantv mew. Rume ankvleci xipantv mew picirumekey ci iwul, pici xemkeiñ mvlenoyem ko. Cucike kaletun rvme mvlefulu antv mew ka konkvlekey ci iwul mew. Fey fenxe fvcagelu ci pu lawal, ci pu ce Kimi feyta cumlefel ci clima tvfa ci nagmapu mew cKECU WARANKA XIPAMTV! Ñi inalel

Fenxe pepifal-lalay tvfa ci clima pigelu. Ci nagmapu ta eñummekey ka fey ta weza femkey taiñ mogelwe mew. Tvfa ci mari amulerpuci xipantu mew reke, Chile ta kuxankawley kiñe fvxa anken mew ñamkonniey ñi karv tapvl ci lemuntu mvlelu zona central mew, ñamkvley ñi karvkawun ci xonge tapvl.

Femgeci rupayem , ci pu koyam ñamomkeiñ taiñ pepi zewmayal taiñ iagel. ENXIN mew reke gey taiñ ban!

Ka feyci lemu, kimnielu ey mun esclerofilo pigelu, kiñe fvxa mogekonvrfe gey Folv, pikun bellotos , korontijv, espinos, lixv, pu maiten ka fenxen kake fvxon niey ñi kvpalmue fecike lemuntu zuamlu ñi pepiluwal, fvxa kuyfi mew zoy eñumlu mapu. Facantu mvmvkaniey kiñe pepilwe mogel mvlewe, (ecosistema pigelu) ka ci palma chilena ñi montulwe gey.

¿Ramtutuwkeymun cumgeci mogekey Chile mapu mew kiñe PALMERA? Tvfa egvn zuamkey kiñe arengeci maw antv kvme xemal. Welu ci palma chilena, ci zoy wecunpulelu nagmapu mew, kiñe yako antv mvten zuamkey ¿cemew am?

PVRUMUWI tañi mogelerpual. Famgeci ley ta fijke mogen; famley ta mogen: negvm negvmlekey; kakeluwlekey tañi pepi mvleal. Palmas chilenas ñi pu wuneñma fvake palma lemuntu gefuy xogtuniekefel Sudamerica kuyfi, tvfa ta winvlekefuy Atlantico ka Pacifico mew. Welu fvca kuyfi xipantv, wenuñpvalu ci Cordillera de los Andes, wapitukulewetuygun ci costa oeste ñi continente mew ka zuamigvn ñi KALEWKVNOWAL, zoy ankvkonlu ci clima.

Fey tañi kimvlelgen ci meli waranka kayu pataka millones xipantu nielu tvfa ci tvewe pvji, fenxen kalekan antv ta mvlerkefuy nagmapu mew. Kom ci pu lemuntu konlelu tufa ci lifru mew , tuwkvley feyci kuyfike lemu mew zuamlu ñi pepiluwal mogelerpual cumleafel rume ci clima wajpvle ñi mvlewe mew. KOM EGVN.

Ci pepilkauwnon zugu pu ce ñi femvn mew, fenxen dióxido de carbono mvñalkey wajmaleci kvruf mew, famgeci felenrupaley ci kalekan antv ka eluwkelaiñmew taiñ pepikonulwal. Ñammeken ci karv lemu esclerófilo pigelu ka ci palma kiñe feygentun zugu gey... Foxu, fuxu kom xupefzuamleiñ cumleal ta ci pu palma. Fenxen xipantv tañi teyfunagvmmagel tañi lemuntu entuñmageal ñi kozay zewmageal palma mizki. Ka feyta tvfaci ankvkan antv añeltuniefi enxin mew lagvmafiel kam fvake pvxekan mew ci. Fey may newe gewelay picike palmas; fey pu ce ñi mogen gefel mew coyugewenole picike pu wenxu ka picike pu zomo reke. ¿Rakizuumtukuymun ñi fenxen weñankvn geafel feyci zugu?

Welu rumel femgelafuy.

Ci pu pewen Sudamérica mew mvlelu tuwkvley kiñe reñma mvlelu nagmapu mew !KVALA PATAKA MILLONES xipantv! Eymvn kimfimvn CONIFERAS reke, ka niey ñi kvpalmue ci wvneltu lemuntu xogtumapulu kuyfi, ci pu wvnel koyam entuwmmavjlu, yafu cagmamvlgelu pvzumuwlu epe kom mapu mew. Ñi mvlenmew tvfa ci zugu pu anvmkan ñi kiñe fvxa zuamfalin rinkvn yemogenleal gey: konkvlegvn ci wvnel xokiñ anvmkan pepi wepomuwlu kvruf ñi pvzvmmaetew ñi xufvr rayen ka entufvnlu, kvruf ñi ka yetuel fvxa ka mapu pvle.

Welu rume alv xipantu wvla, kiñe pataka meli mari millones xipantuv mew, wefpaiñ iñcin, rayukeci anvmkan, ka keyukonkeiñmew picike vñum fijpvle yekelu xufvr rayen ka kiñeke kuyin , fvxa kamapu yekelu taiñ fvn .

Cum femgeci, xukiluwfvlni reke, ci pu pewen lemuntu fenxen kvme kimfi ci wvnel ce akvlu tvfa ci continente mew, pefigvn cumgeci kvme yeniewfuy fijke mogen egvn mvlelu mapu mew . Tañi pu wenvy rumel zugulkenew kiñe fvca kuyfi ñi mvlen faw: pu mapuce, tvfa egvn mañumkefi ka

kuñiwtukeyi fij mogen mvlelu mapu mew, ruf xukituniel taiñ kiñewgen mvten (pu ce kafey) kom mogen egvn.

Pu pewence xokiñ ce mew, ci pewen ta fvxa zuamfalin kojам gey, tvfa ci kojам ruf mogelrpukeyu egvn gvjiw ñi elukeetew niel fenxen yafun ñi fvn mew zuamkel ta pu ce. Tvfa ci xokiñce ñi rakizuam mew, ci pu pewen gvnečen elkvnofi mapu mew pikeygun ka cumgeci ñi xokiñuwlen ci pu lemu kiñe xokiñ reñma gey, fey tvfa egvn ñi folil mew elvwzuguwkeygun.

Ci pepilkawnon zugu gel inan akun ci ce mew ñi fenxen fvreniewel egvn , welu goymaygvn ci zoy faliltun zugu: ruf mogeal KEYUWUN mew ta pepilgekey, kimvltukual rakizuam mew ñi kom taiñ konkvlen kiñe fvxa pepilwemogel mvlewe mew fey kake kiñe rume refal-lelay mvley tañi wixapuranieal tvfa ci pepilwemogel mvlewe (ecosistema pigelu).

Nieluwiyin kiñe ruf keyugvn ka pepilkonvwun FEYGENTUN ZUGU REKEGELAY: kiñe narfu lemu leg faw mvlelu wijimapu mew, welu fenxen xipantv ñi mogelerpuel ankenleci pikun mapu chileno mew. Kimniegey Fray Jorge reke. May, lanken mapu mew! Cew xemkey re wayun rvxom mvten ka ci cactus, pepi peafuyi kiñe valdiviana mawidantv reke mogelen wente lafken mapu ñi mawidantu mew, Region de Coquimbo mew.

Ci pu olivillo ta zoy mvley fey mew, welu gvxfaxokiñley kake kojам egv rvxom, anvklvkl, foki ka kvme az rajvkeci anvman. Zoyma mvleci anvman feyci lemu mew fvake lemuntu ñi pvcvlewe gey ñamxiparumelu mvmvl-lu ci Atacama anken mapu.

Ci pu pepil mogeluwlu, xapomuwigun mogelevrpual... ¡CAMANCHAKA iafutuugun!

Azumigun ñi cumgeci nvafiel ka konvmnieal ciway ko mvlelu fey ci inalafken mapu mew. Cuci kake rume ciway gelay: zoy niey kvla pataka compuestos nitrógenados ci maw mew ka ci nitrógeno fenxe kvmev newengeal lemuntu ñi pvji.

Ci ciway mvmvluwkey wvrwanyem,lafken ko, wigvzkeyew ci lafken kvruf ka gvlvmuwkey ixo alpvraleci lafken mawida mew, cew mvley Fray Jorge, mvmvlmeken kiñe wvxeg narfu mvnvlun xomu.

Kom mogen mvlelu lemu mew keyukonkey nvhafiel ci camanchaka. Ci pu olivillo reke fenxepowlen ñi cagkiñ ka cumlel ñi tapvl; kam ci yelmu, kiñe iwulpvrafe rvxom yiwiñ reke niel ñi fvake tapvl mew: jajin ñi gvren reke gefuy, picike vñum ñi nvafiel, nvrkefi ci lvykv lvykvleci ko.

Kom kvzawkeygvn femal: pvzkvafiel ci narfun ñi xongetapvl mew, lvylyv nagal ci lemu mew, eluafiel ci PEPILWEMOGEL MVLEWE kom zuamci yafutuwe mogeal.

KOM tañi mogeal. Pu lemuntu ta kimnieiñ kom elvkeetew ci mapu -ko, iagel, mvlewe, newen pvlli kam fenxe azgeci mapu – wixapvrale yzwentvculenmew fijke mogen , ka kiñeke kimnienolu rume ta pu ce.

Feyta mvten ta inarumeniefi ci picike anvman takuniel cangmamv, ruxom ka ci pvji mvlel wijimapu lemu mew, zoy kom feyci Magallanes mew mvlelu, kiñe mvlewe mapu cew ruf kiyfi ñi felefen petu feley. Vjew, pu kowvj, pu ñire, pu lenga ka kiñeke zoy picike kojам mogelvrpuy ci wvxeg mew ka Patagonia ñi kvruf mew, takuleygvn kiñe karu mvnvl mew winufkvlel kom lemu mew.

Mvmvl lel- poñpoñmamvj mew, briófitas, kufvj ka fenxe kake picike vñum ka kiñeke kuziforogenol, tvfaci pici lemu falil pvwulkey ñi femvn ñi pepilwe mogel mvlewe mew. Kiñe fvxa caykazwe reke gey, ci ruf pici lemu gvvlmkey ko, narfuniekey ka wvlnielkefi ci pvji kon yafvltuwe ñi zuamun.

Ci pu briófitas – kalmiñ reke -ci pu wvnel karv algas ñi coyun gey, elkvnolu lafken mapu meli pataka kecu mari millones xipantv yafv gecí mapu mew ñi elkvnolwal. Ka ci magallaniko lemu, rvftu Cabo de Hornos mew, zoy niey fenxen fijke tvfaci picike anvmkan kiñe pici mvlewe mew: regle pataka kecu mari especies, zoy 5% briofitas kimniegel kom mapu mew. ¿Cum feley?

Cum tami peyal, ci pu lemu powulnieiñ kom femvn wixapuraniafiel ci pepilwe mogel mvlewe: taiñ xonge tapvl caykazkey fenxen dióxido de carbono, taiñ pvji konvniekey maw ñi ko nieal ankvleci antv mew ka elkelafi magiñal ci lewfv, wvlkefiyiñ montulwe fenxen kuyiñ mvlelu mapu mew, wvlkeiñ taiñ baleci pu peñi ñi mamvj tukul tamun ruka mew, elwkeiñ tamun iyafutuwal taiñ fvn, lawen kitu ta entuafuymun iñcin mew. Welu akuy ci antv eymvm tamvn ka femal tamvn kuñiwtunmual.

Magelpeyu tami rulpa nemvlfafiel tvfa ci lifru, ajkvtual lemu ñi zugu, kimvnmayafiel ñi mogen ci pu zoy falitun mapukonlel Chile mapu mew.

Zew rulpa nemvlfilmí, magelaeyu tami kimvnael. Nagvnfe ci App de bosques 360º mew tami mvxumtuwe mew kam tukulge tami negvm mvxumtuwe ci lentes de Realidad Virtual mew: yeayaymew tañi mvlewe mew, faw Chiloe mew, pepi xekayaymi ñi we lemu mew, ajkvtuafiel ci maw vxufnagmekel wente xonge tapvl kam wixakvnolwal ajkvtuafiel mapu ñi fij mogen ñi nvkvfun. Ka pepilmi, xipage tami ruka mew. Ci pu lemu vgvnmnieymew.

Traducido por:

Fresia Loncon Antileo

Grafemario Raguileo